





西林陳先生紀略

門人徐永宣纂

長樂縣
振興書
請序

先生姓陳氏諱鍊字道柔世居北郭門外距郡城五十里而遙地名西林學者因稱西林先生先生系出雲陽十八世祖東卽宋建炎中以摘奸被禍者也數傳後遷於毘陵其諱孝先字百原者先生大父諱墀字辰丹者則先生父也先生幼隨大父讀書館舍過目成誦不俟講解而大義盡析長以諸生餼於庠文譽大起所爲制義雄深雅健奄有前明大家之長而根柢在五經波瀾在史漢吾邑言詩古文之學者亦必推先生學該才膽如錢綱菴雖同硯席猶嚴憚不敢以鴈行進始先大夫

執經於展丹公永宣年十五先大夫爲擇師計無踰先生者爰命永宣受業先生所以淬礪磨礪者甚至先大夫未久卽世太夫人待之不懈益虔癸酉北游應楊丈芝田諭德之聘授經於農先進士棗萬編修二年乃歸歸而過從如生平歡蓋自始侍側至先生易簀餘二十年師弟子誼永宣謹誌之未嘗一日忘也先生於學無所不窺而其指歸必宗朱子自有宋諸儒下逮元明其書靡不研究其持論與朱子異同者皆參考以衷於是性孝友以出贅析居城中晨昏少隔然營甘旨必力嘗冒雪問省行野田中阡陌盡白至迷不得路仲弟鑄天孀孤無依割已田以鬻猶子娶董氏中年厄於水卒遂

痛不再娶旁無姬侍集中詩所云背冷肩寒二十年蓋實錄也晚自署半緣居士取微之詩以志感遺挂在壁清塵委牀先生殆沒齒以之矣曩歲辛酉秀水朱竹垞先生典江南省試得先生卷評曰古音璆然不可方物已置領解七日矣外簾失第三場墨卷輒被放自乙亥出京師後不復入意怏怏無所施益游心內典與六七故人爲淨土會六表以後得風疾扶藜白髮嬰跚道左見者傷之永宣竊謂造物者篤生先生宜使之發聞當世以暴其所學次猶取一障而乘之乃卒摧傷顛頓至于貧病以歿韓昌黎有言不知造物者意竟如何豈昌其文而故嗇其遇哉然有識者按短絜長以決取舍固

在彼不在此所著古文若干卷詩若干卷手定科舉文
有六有齋存藁芻靈二集先生生於順治二年乙酉十
月初十日卒於康熙五十四年乙未正月十八日年七
十有一子二曰瀾曰潤先生詩發源少陵昌黎間闌入
子瞻魯直大畧妥貼排募不以鞏悅爲工永宣旣與莊
編修蓀服甄綜之發雕矣謹哀次其行事俾後之人有
考焉

西林先生延予保其孫蘭之堂之能之因得盡發
其所讀書丹黃燦然信學有根柢也願以未後
其詩爲招茲展卷吟哦不禁喟然曰亞嚴氏
後詩有別才非函學也

西林詩鈔卷一

武進 陳 鍊 道柔

芷園先生王嗣衍閱定 山陰孫 讜椒圃氏選

古詩

西林有薄田力懦不克耕浦南有市門性濶不耐營君
看競刀錐腐鼠秋蠅爭扶犁發東臯健與黃犢并我生
能何爲接字雙眼清晨炊睨虛盎厨人色怍怍一笑謂
妻子安貧古人情強顏實懷慚振以商歌聲
有母猶尸養有兒能負薪尸養一何苦百年長食貧饑
雛志一飽發書哦周秦但憂膏油慳中夜常含顰男兒
一墮地俯仰行有人廓茲一體愛躋世三皇春斗室猶

西村詩金卷一
咨嗟。何以弘吾仁。三歎成此曲。此曲懷苦辛。

江上口號

兩年蕉鹿復籠鵝。蹙喜臨江一放歌。月照庾塵汗几席。風來申浦洗松蘿。清汀白鷺行人少。黃柳烏鴉落日多。自笑不閒閒便得。布袍何用妬漁蓑。

送鳧令北遊用亮功韻四首

露井含桃頰醉初。故園書到轉欷歔。支離病客方乾蠹。辛苦王孫又蹇驢。感穎彈珠羞逐塊。看花韉錦惜沾淤。諸侯高坐多題目。名士江南此不虛。十載鱸堂賴有君。藐姑冰雪氣蒸雲。鬼神涕淚三閭史。孝友淋漓八代文。煮字可堪加溢米。洗囊無復羨完裙。

我憐神駿傷心處。獨立嘶風不肯羣。

絕域愁城鎮日關。不辭吾道共辛艱。鑄成豐井雌雄劍。搜遍淮南大小山。銀燭替人清淚落。錦衣乘興黑頭還。那堪抱影逃空谷。千里看雲一目鰥。

蒼茫爲爾問高天。祖德幽潛四十年。不道鳳毛爭鶩食。也知鵬運起龍淵。羈心春雨丁香結。妙手東風柳葉穿。欲送賤軀成底用。河梁日暮倚嬋娟。

虞山錢夫子送許南交到常州傳示里中諸子

四首依韻奉寄

極目南雲發永嘆。不聞夫子操猗蘭。幾聲啼鳥腸干結。無數落花人一寒。載酒未能趨蜀郡。溫經何敢後丁寬。

天邊忽下歸鴻帛燕識歡心語畫欄

誦師長句贈汪倫苦憶論文細入神屢照芸窗眉欲語
頻呵冰硯指常皴春明奉席看花處夜半傳衣負石人
改築杏壇辜嚮往尚湖諸子正間閭

始悔臨關語勿詳俵俵幽室事徒忙著書松老沉虛籟
食字魚饑碎斷香闕澤錦綸姜父釣蘭陵美酒鄭公鄉
何堪投棗雲尖上弔屈文成憶渡湘

久指并州是故鄉問津諸子共徜徉紛然穆醴三行地
空有林花百和香亂石咽泉移鶴怨離亭插柳學人長
羸糧遲往傷匏繫紫氣東來候納涼

虞山夫子七十次易農先生韻

八百纔過七十年從游七十更三千中分魯國尊王兀
不事唐堯傲祖籙趨步未能甘瞠後橋衡何向每瞻前
赤城名署丹臺上跌宕人間號謫僊

詞客稱觴盡獻詩海籌盈屋羨京坻朔桃安棗千年果
杜律韓碑百世師鸞舞瑤雲憐此夜鳳舉燕雪憶當時
鷹揚世兄升堂自發黃鐘響不遣笙歌繞絳帷
公車北上

代書詩八十韻寄亮功

人生非鹿麋安得如磁鐵所恃漆性醜不在斗柄熱祇
傷百年暫動作經歲別離羣來他鄉中腸常苑結籠鳥
頭觸隅講鷹臂掣繼變現山色身唱和溪聲舌通逃虛
空境偃仰綠天穴白晝蚊陣轟錐股動墳凸惡鳥黑夜

聒土人貌鵝鳩酒杯含酸辛歌場賸悽咽東侯知愛敬
徒子亦周折問奇博開顏授餐擬祝噎神拳鵬垂天跡
接蟻盤垤勞勞素心人杳杳白雲潔有奇誰與賞有疑
誰與晰余與諸君子同光共明滅雞壇奉盤鋌四面表
茅蕝風清杯借持月黑裾並禪賦詩宗杜韓論文祖唐
薛磴危鬱差峩綆修汲漻沈頓足地軸翻拔劍天柱折
下視世上兒不足供一快憶昔君蓋傾文場互頑頡英
英歲寒篇犖犖一時傑過從城南隅挑戰掉鞅軼我軍
猶逍遙君師已簡閱左射右有辭號正心則譎文追韓
光怪詩哂蘇點纈鄙人如曹檜陳編效盜竊蓉江痛君
傷桃渡笑我蹙寄情霜栢堅音眇音眼風花瞥悠悠四年

來遠作飲潭蜺冬轍澁流澌春颿駛澈冽家園魄一圓
客舍輪四缺言念五日近朋儔正聯綴雲尖水嬉張畫
閣高宴設同官酒行酣梨園歌未闕爭看奪錦回鵝翅
鴨頸捩如何隔一江風俗遠乖別其民賀佳節覲飯飽
饕餮煮酒佐一升斝勦傍門楔乘車不乘舟苦飢不苦
渴唇乾習鹽腥舌燥食井渫所以金沙賈居貨望彌缺
富者嗜六安醬色味麩屑伊口誇不休吾齒呷如蜚翻
晒陽羨茶淡薄不堪啜間有好事者旗槍亦排擷所性
雅不存黽勉弗面訐吁嗟宋章甫往來費提挈世事靡
不然孰從辨妍拙此時渴南還留滯如肘掣客歲夏五
帆江心颺風颺幾葬大魚腹如殉汨羅節人生會有死

死溺太薄劣千秋萬歲後誰並靈均說緣此畏臨深戒
行輒復輟家人問刀環游子報金玦閒停南浦雲甘哭
窮塗轍吾黨皆善鳴君才最雄桀閏年厄黃楊於今吐
牙蘖雷車驚兒童夜光懾魚鯨前期五雲多顧我日西
眈所望同懷榮焉爭一手烈勗哉弘遠謨許身比稷契
處爲膚寸雲出爲千里决富貴縛軛牛詞華孕蟹蛤近
聞朱五經斬焉在衰經董生方鼓盆莊子猶泣血稍喜
許三婢抱子自怡悅楊大虞山歸師說何處切未知黑
裘敝可得衾稠列暉詩田南山菜字識蒼頡執戟諸後
賢匹錦都割截落落晨光星宛宛臆間鏗角立志騰上
索居氣萎茶何物一衣帶限我歎遺子陶輪手旣空縮

地才復竭賦詩代尺書狂吟轉淒絕徧問諸君子并示
族弟準

次韻答亮功見懷之作

足響楚然爾至門更誰芳草憶王孫窮愁抽髮三千丈
風信催花廿四番遲我吟成開口笑泥人棋散稱心論
秋高力薄枋榆跌翻羨培風勿浪騫

立素招仝禎符鳧令陟三靖元聲洲集立昭水
榭

有客行唵倚夕陽情人折簡漫流觴高秋空獻天人策
此日平分上下牀樹底得詩題葉背酒闌跋燭看魚腸
強他弱羽低飛急猶帶沙場殺草霜

寄懷在衡二首

鸞儔分拆隔鴻溝，渴病相思匣裏求。
伏劍易酬公子德，倚樓難得美人頭。
一城晴雪家家雨，百日陰雲片片愁。
歲晏署閒無箇事，竹林深處美遨遊。
把君一紙放雙眉，忽報瓜期欲後期。
能使椿庭寬倚望，敢論松徑又差池。
朱絃塵網彈來澁，黃海雲封夢往迷。
憶事懷人應有作，捧心摹殺里東施。

野望書懷

衝寒閒踏舊魚磯，墮戶人情識履稀。
何處水雲孤鴈叫，滿城風雪一僧歸。
杜陵廣廈雞窠是，白傅長裘犢鼻非。
慙愧綈袍溫范叔，千邨機杼泣無衣。

兒子能和詩戲占一絕

湯餅長筵喜氣盈，憐渠末座句還成。
敢云詩是吾家事，見說清于老鳳聲。

送在衡之新安學舍兼寄懷左黃

浙浙復離離，吹動客子衣。
哀鴻叫青雲，黃葉翻晴暉。
念子未朝食，庶幾知我饑。
輕裾薄天寒，怒焉趨庭闈。
庭闈樂千端，棄我忽若遺。
况有竹林賢，松醪釀書幃。
嘯巖倚鸞音，凌澗穿朱扉。
惜哉無輕舟，引領願則違。
聞聲渴相思，此道今所希。
客塗具雞黍，歡嘆相因依。
遇左黃於懷
人意草草送，遠淚霏霏爲。
語我所思，附書鴈來歸。

送仲嘉之宛陵在衡之新安

長風萬里大江頭紅蓼青蘋一片秋追紀客秋與仲壁嘉避風江渚事
 上望塵驚破釜敖前掬指笑爭舟酒能養喜人難老筆
 不誅降數必侯豈效子雲徒守嘿龍文鳳綺早成樓
 儒冠紈袴不相能念我悲辛韋左丞紅葉楓林雙騎去
 白華樓檻一人憑敬亭獨坐鳥飛盡黃海高吟雲四蒸
 自笑不離籬落畔關心天外起鷗鵬

秋深

秋深吳市作秦聲駟鉄蒹葭滿座生西上玉山愁被褐
 東歸珠海喜銷兵漫天木葉何無賴匝地金錢菊名近有
 情咲口向人藏痛哭六經疑是不平鳴

殘菊

憐汝晚來秀孤搖寒壁光淡然人不見恥與眾爭芳青
 女邀三入吾詩得幾行早開零落盡獨立未須傷

壬戌除日和芋莊韻二首

衝泥野老斫生柴換取香醪十字街輸爾西成還魯酒
 悞人南徙是齊諧夜殘膏火兒燒葉晨起炊烟婦拔釵
 欲設瓣香蘇晉佛未妨虛室稱心齋

野水添杯舍北江予家江濱何須死後葬燒缸金條蓓蕾將

軍壘綠萼橫斜玉女牕斗米窮冬艱遠負洪鐘午夜噎

微撞六年廢蓼傷心地先君子丁巳年棄世血淚模糊暗壁缸

送拱樞公車北上

黃梅透白雪香發玉女牕金粟閃閃紅數爆銜壁缸念

君就計偕凍漸飛彩艫翩然別我去行行渡邗江過淮
春氣溫輕車錦韜杠老友與偕載吉彥譚經音撻撻長塗
共促膝薄酒肥羊控咲詆禹廟碑高豎纓絡幢文運日
萎爾吳歛弋陽腔誰云狂瀾倒濇縮十月龍嗚咽不成
聲何處聞琤淙愛君湖海姿蘊渟未施邦羣籍日沈酣
洪鏞橫擊撞成竹鶻落追禹鼎筆力扛洋洋經國謨一
洗羣言哢雜亂不能軍君其城受降文藝本器識輓近
亮鮮雙悠悠時俗界可無樹崆峒二月杏花繁摧拉枯
林椿泥金下雲尖咲指紅纏缸

除夕

時逢此日小承乘辜負年華一撫膺漸覺世情粗蕩滌

尙餘孤憤未撫稜周妻何肉前塵事梵卷軍持退院僧
贏得江都好兄弟一樓晴雪每同凭

次韻答亮功見慰下第之作

已辦抽梯偶下樓因人去踏故宮秋夢牽蟾窟偷靈藥
身寄鶯籠絕勝游漢景好妍臣獨醜劉伶不帝我無侯
開船浪說風吹散休信人間有十洲

亮功大雪入城愴然念之

瓜期早附運租船白雪黃雲劇可憐雲影却輸帆影疾
雪花爭比筆花妍斷鴻搖荻飄衣絮凍雀翻帘喚酒錢
莫倚蒯緱吟薄暮恐驚鮫淚湧龍泉

題一公房

偶愛風旛入座隅便容狂客縱清娛吃齋洗鉢龍眠穩
補衲穿針虎病蘇一公能醫香爇指彈飛玉屑花陰茗戰當
醍醐怪來垣外行人見靜裏山河色相無

枕上口占

回風嘯鬼滅銀缸幾點疎鐘幾處撞最是秋冬人寡寐
况兼愁病雨吹牕何能雲外飛雙鳥底事人間限一江
徹夜攪腸難合眼旅魂奚自上歸艤

誰歟

誰歟稽阮擅風流吾友人文迥絕儔豈有道書資任達
更無隣女結綢繆客前二溢情何切賭罷三升血不休
莫是夜臺人抱送好耘蘭畹報高秋

送健夫游鴛湖

平生懷大鳥刷羽天池窄南將凌碧雞北將薄碣石西
將蹋崑崙東將宿滄渤吁嗟鍛雙翎從人寄鷄柵一枝
廓廣廈數粒甘食藉母子時睽離伉儷痛永隔衆雛尙
無知失哺愴柴瘠以此傷心魂衿趾都剝坼望雲常啾
啾望水常脈脈吾宗有奇姿八極恣揮斥朝披扶桑霞
夕舞霓裳拍其音引鸞鳳其文耀虎脊客秋鴈南飛偕
來憇江澤沙冷鵲鴿寒行搖共晨夕懽娛方及春佳林
行遠澤言向鴛鴦湖曠然白雲適中有三十六雌雄聲
籍籍羨爾與回翔光華動遙宿離離相和鳴神聽亦怡
懌應念羈棲卑觸隅自嗟惜何時解籜籠共爾振長翮

鳳巢猶人間一笑腐鼠嚇

冬月患癰連旬委席枕上偶成雜詩十二首

浩劫浮生痛苦中敢辭蠶室暫鶯籠
蠅頭蝸角奔馳急雨箭風箏激射
工會向海濤吟坐穩今歲六渡江矣轉於牀第

哭途窮可憐萬卷三冬夜敗絮蒙頭類老翁

疎簾烏影怨纏綿長夜漫漫又小年呼籲
恰逢天帝醉

呻吟還動故人憐消憂情話柴桑叟
換骨靈珠海上仙

信有苔岑關性命雪花風片走濤箋
患劇時荷同里諸君暨此間諸子釋

絡省視風雪中猶枉札見存

勾引文殊到草堂莫非摩詰住東方
並無妙手移蓮座

但有忘言坐石牀結制九旬初學智
慶雲于十月望結制安心兩

字大醫王主賓生殺拈莖草那要天花散道場
慶雲和上着西

堂師法具來問疾

目斷南雲黯黯悲兩旬青鳥信差池
莫非孤館捫心日

都是高堂嚙指時母子呻吟江水隔
老母患瘡未痊弟兄情事

月明知阿奴碌碌誠輸爾長日長筵進一卮

搖曳心旌醉夢過不成悲泣不成歌
藕絲精血歸沉腐

針孔光陰浪折磨鉄骨裏綿欣鳥塌日
竿影草咲鷄窠

事求如意知違道動忍於今愧未多

說是并州也越吟泥他溫語破陰森
道人遠致茅山术

賢主親貽上黨葭病以離家偏刺骨
痛緣反本劇傷心

那堪墮馬翻爲福羸得朋儔屢盍簪

昨宵燈穗報今朝堂上封泥凍未消
差喜晨昏強再飯
尙憂寒熱滯三焦
荒村醫遠愁和藥
浪子囊空淚滿綃
辜負閨人贏好夢
寄衣還準去時腰

塞草燕雲遍斗陲人疑黃竹奏新詞
乾坤慘淡冰壺合
煙火淒清玉律吹
岐路皇孫哀葛練
誰家婺婦泣機絲
先憂瓌瑯毫無補
鷄骨蠶叢祇自悲

叩笮扶桑迸曉笳
堯封禹貢不堪誇
珠淵舊網珊瑚樹
銀漢新歸鑿空槎
未免鞭笞貧到骨
且教萋楚樂無家

高賢過巷還憐病
上帝深宮酌紫霞
與周非老偶及貧也非病語

地軸掀翻最上頭
殽函况是古王州
聞秦中地震
董帷繁露

停盃想班史天文
伏枕搜六代銅駝
全瓦礫五陵衣馬

半蜉蝣春風欲送流
鶯到先贈冰壺貯我愁

螢火飄零蠹始乾
管城花老夢無端
早啣帖括俳爲戲

終惜繁纓議築壇
雷鼓那同鳴蚓竅
江潮何似瀉哀湍

病夫神王非關藥
楚漢塲中得縱觀
得友人近藝

爲念呼天夜枕橫
關心藥椀迸怔營
但能董相三番對

便是枚生七發成
陰惜計分書計寸
我懷斯邁爾斯征

卽看草滿鶯啼路
轉盼秋風鹿又鳴
示季生

黃雀行

道傍有黃雀鍛羽方垂頭
雪虐風又饕向人鳴啾啾
鬱鬱槐花林可爲稻梁謀
勾引入黃花棲食得自由
花枝忽搖動花藥傷毘劉
誰謂雀與角使我懷沉憂

九月十七日入鄉十九日渡江廿日到館雜書
塗間情事寄里中兄弟四首

翩然又向水雲鄉病馬斜陽一色黃風颭亂蘋紛起浪
雨留殘稻暗生香窮途欲泣翻成笑獨客高歌自覺狂
賴有知音堪問道糝羹飴粥味偏長

母病連旬怯下牀兒裾欲拂更淒涼春秋鷓鴣心飛擲
食宿東西計渺茫近岸漁歌移別浦誰家簫鼓鬧新孃
可憐老女偏難售濯錦湘江怨夕陽

憔悴江潭問渡人虎頭兄弟最相親中表顧只天兄弟漁灣蟹

斷去循行急細雨斜風掖送頻兩鬢霜毛隨落木半肩
芸簡作勞薪多情更有燒車鬼跌宕風波不離身

天賦秋容餞外臣蘆花欲老蓼花新觀音門外曾經浪
羅刹江邊再問津蓬折波心人似葉棹膠沙嘴月如銀
仝懷兄弟今知否穩坐鄉園莫苦貧

哭女詩 有序

長女聯芝生康熙戊申十月初九日殤以庚申九
月十八日女生慧而孝甚得父母心祖母及外祖
父母絕愛憐之不幸短折擬作傳誌悲塞胸臆握
管絲絛抑痛蘸淚以詩代之得長句六首杜工部
詩所愧為人父無食致天折余能無歎乎哉冀世
之見是詩者哀余生之不造而以哀余者哀余女
焉或曰世無有哀爾者於爾之女何有然則予亦

哭女詩先有刻
本前草呈侍
御易農黃比部
艾菴錢孝唐
湘靈皆有評跋
云爾時風氣如此
故為諸老宿稱
許不置洵末學
寶未觀其妙

自寫其哀云爾

嬌女盈盈歲十三，掌珠失却夜菴菴。淚翻苦海龍眠醒，
叫徹鈞天帝飲酣。兒輩無如渠最好，吾生自此恨難甘。
有人解釋尋常痛，貧賤爺娘百事慚。
外家睥日剪新紉，補綻多年掩骨難。花葉離披愁爛熳，
波濤移圻涕洟瀾。忍寒雪夜評風絮，愛潔瑤臺想玉棺。
暇日予偶言王喬玉棺事女疑妖夢忽催天上去，內子
想良久日未知玉棺皎潔何許人自外携一棺歸光彩可鑑，嫦娥從此不孤單
心甚惡之不十日而踐妖夢。
水旱頻年莫給饘，硯田荒後更顛連。甘心糠覈猶難飽，
隨意蕪蘇若坐禪。藥以少錢醫減費，病緣貶食天增憐。
泉臺不比人間世，爾祖含飴兩頰邊。

先時汝母病踰旬，累汝連宵不貼茵。洒淚壁隅還獻笑，
經心藥椀必沾唇。正憐對月團圓好，誰料臨風涕泗新。
甘代慈幃真不免，內子疾篤女禱木蘭應是汝前身。
冬日機絲夏緝麻，辛勤十指候歸鴉。穿針尙繫長生縷，
刺繡猶開未了花。悶酌樽空誰浥注，愁眠背癢自搔爬。
從來繞膝艱踰闕，何處婆娑覓爾爺。
遠樹陰陰又雨絲，朔風催剪玉田芝。眼昏蝶紙猶飛處，
淚濕鮫綃罷織時。藜火伴吟光照几，糝羹親爨滑流匙。
可憐嬌女今何處，絕少詩篇替左思。

古詩五十韻代唐若營與周蓉湖

憶昔某與公同游，蔣師門蔣師號櫟菴。高路道益尊講

西樵詩集卷一
堂開城南風雪恒溫溫善操人倫鑿寸鬣知鮒鯤伊時
坐春風鬱鬱皆崇宣文章特外篇道誼期勿讓就中尤
器公泥塗决高騫玉趨致青雲虞淵起朝暎自顧庭除
間云此皆犬豚他日累諸君振拔其懦昏溫飽不足云
所賴人類存不幸師言中身後運否屯時逢庚癸呼并
日得一殮死者長已矣生者多竄奔長君脫身走饑驅
彰義門幼弱尤顛連東西萍一根存亡不可知十載銜
憤怨長君死京華杳杳千里魂吾師至德人慘矣伯道
冤師喪久未襄白月照壞藩及門爲負土旋葬先人原
忽傳羅刹江飄泊其兒孫人家作傭保憔悴同奴髡干
鈞垂一絲十舍疑九閻盈盈悵脈脈慚負師恩傲聖朝

重學政我公承東籓王事已手据師恩復心捫下車諭
所知我有蔣世昆轉徙睦婺間伏匿何處村檄下得其
處連城易瓊璠秉燭當夜闌相視淚潺湲遣歸奉慈幃
村醪瀝一尊起死肉白骨我公德難論二子非我公沒
齒結憤悶生傍夢兒亭死埋桐君瀆今夕復何夕得共
老瓦盆隣人唁其歸歎泣各聲吞感公更有言歸去艱
繁此事寔在予予不食此言上天眷善人生意春草茁
出亾旣歸里兄櫬亦旋轅生離與死別會合如雲歎聞
者歎希有見者涕瀾翻君子澤不斬實惟我公恩人生
誼在三此誼古所敦胡爲今之人一變爲貉狙甚者鍛

自古順時能鵲起顯官容易腹空虚

寄友人

素絲岐路淚潸然襍硯備書竟石田邈矣一天存夢外
肅焉萬感到燈前非無口耳難為語別有心情不受憐
坐數屋椽行數鴈比來消息指頭禪

望物書雲野外寬少微星眸眼漫漫葉畱紅樹旋輕煖

花放黃梅正薄寒新貴侏儒駝瘦馬故山長嘯倚青鸞

莫教愁緒隨他長一綫光陰到祖壇

至日赴慶雲和尚

薄寒小病互夤緣行藥拋書也靜便因病得閒思往事

觸寒生感念當前幼而失學誠難補壯不如人劇可憐

浪說有心營四海眼邊兄弟幾顛連

孤眠愁緒藕絲中路黑楓青夢不通點鼠猖披欺老吏

荒雞雜杳叫英雄女蘿舍睇三更笑寶璐高馳四壁空

漏盡恰聞僮囁語小樓人氣揉陰風

維摩花室卧經旬牀下低頭問苦辛載酒未能慚識字

羸糧何日快兼程香山錦谷畱深翠水閣烟堤報早春

健步遠梅應有作好風難送尙湖濱

懷虞山師也

月中顧影獨相親放眼狂歌意外身不讀南華貽後悔

懶從西竺問前因鯨魚翡翠傷今日大樹蘭苕感昔人

但覺白頭還避灶百回相見百回新

檀心磬口遍江濱病榻蕭然黯夕曛何處折來還贈我

幾回看去若逢春习成金屋藏黃額漫說銅瓶貯綠雲

靜對四更猶未寐暗香疑是月中分

謝友人贈黃梅

朔風悽緊撼枯條殿角崢嶸影動搖長恨英雄閒處老
劇憐筋力病中消眼昏野馬迷朝氣足亂沙鷗落晚潮
失路問津非一度况經摧鍛羽翮條

西林詩鈔卷一終

西林詩鈔卷二

武進 陳 鍊 道柔

芷園先生王嗣衍閱定 山陰孫 讜椒圃氏選

題歲寒圖贈子益并示若營

歲莫一寒至寒至百物毀造物愛生成物自絕生理力
瘁冰霜中氣盡繁華裏古心蘊虬松傑立天地否風號
濤彌清雪欺翠逾美天矯欲干尋貞固可百紀下視三
春姿慘淡失桃李何況蒼與蒹糜爛知誰是其友家羅
浮一樹垂垂葢葢發生奇香如海泛香水何辜逐臭夫
甘心致之死死則爨下桐生亦樞間箠誓言赴急難誰
與相角踦言有震蒼筤蕭蕭水之涘枝葉行扶疎中虛

色不滓以心予大夫以身翼處士處士顧之笑吾乃累
二子憶昨締羣英息壤猶在彼今日是何日百卉從風
靡茫茫天地間而我此君耳蒼蒼敵雲山落落布園綺
庶幾敦久要一雪鮮終恥

寄題君子堂二十韻

憶昔抱遺經茫茫泛江汜紛飛一葉舟人命等敝屣繫
纜謀賃春一字易一米浩歌舒憑噫出門見吾子吾子
夫如何木鐸徇于此掀笠一相笑兩各忘所以月好邀
同看雪積猶接趾茶椀東西銘酒杯南北史良會不可
常虛舟亦生否飄然辭子歸子念予不已今春突如來
分手復倏爾參商又歲時霜雪填骨髓霜降草以衰雪

深梅以蘂吾子松栢姿蒼翠寒逾美何以敦久要君子
掌在彼後有光霽臺傍有紺寒水蓮花開其中梧柳繞
其址堯夫古人豪茂叔古君子古人不可作斯道在後
死抗顏躡高蹤吾子勉之矣

送節孫北游

山分大小計書程靜對薰爐近有情騰起春雲何變隼
養成秋翮自飛行舍毫夢裡雙葩吐落紙源頭萬斛傾
詞賦聲名方籍甚公卿誰不愛逢迎

送翔念北游并寄懷同硯諸子次長卿韻二首

又是蛙聲閣閣時連宵梅雨漲河湄朱家邀去當歌酒
洛下傳來代簡詩

鳧令有詩見懷

今昔知交雲影散萬千情緒

月明知相逢且復斯須樂何苦淒淒說別離

陳人身世羽毛輕吾黨聲華重兩京生下指天皆作佛
浪添頭雪漫稱兄三言欲定曾參案千里能操許邵評
相見只煩將片語慈恩塔上可留名

送彭直上學士八首 選一

三秉文衡國重臣蕭然行李五湖春誰知一棹漕艘上
上有龍樓鳳閣人附舟還朝

贈沈心齋諭德

西笑曾窺尺五天登車真御闥風仙鳳梧恰喜開弘閣
蝦菜俄驚泛蠡船水檻鱸和婪尾辣家園菓摘樹頭鮮
三年閒却凌雲手又趣黃門賦籍田時將北上

皇恩只許兩朞留

前此以內
艱歸里

瀟洒江湖又過秋安石管

絃調氣運傅岩霖雨重滄洲吐茵欲矢捐埃報活命空

慚束縛酬酷憶湘妃初築館夜深頻荷玖瑤投

歸舟覆
水備荷

拯恤
之德

梅花和韻四首

無邊風韻是天真况有水心透早春手裏玉杯矜絕代
意中空谷見斯人巡簷疎影偏相亞捉鼻寒香更獨親
笑煞素衣塵化緇未須加紫漫稱臣

誰家西北有高樓位置仙才最上頭不少道書人外讀
更何鱗爪世間求幾層霏玉空塵思一陣清香蕩客愁
無事得來閒並坐海中風便泊三洲

江南春色到翁家冉冉雲停萼綠華出水弄珠看織幕
倚醺微暈喚煎茶多生冰雪蒸蘭韻少貶高寒不杏花
梅有三色摩詰堂前自香國未來天女也毘耶
丰格何須夸惠間傲焉長抗古人顏貞心雪壓寒彌厲
香性風飄老不慳愛與薜蘿縈卷帖耻隨楊柳傍關山
自慚有玉何能潤一體水清映石頑

和落梅四首

有引

外舅旣用前韻咏落梅四首芋莊復園諸君子各
賡和如其數錦心繡口爲此花重開生面矣僕本
恨人對此風飄潛焉雨泣醮淚吮筆不自知其作
何語也外舅安心禪悅視成壞色相無欠無餘其

有以發其蓬心矣乎

無端零落條歸眞萬恨千愁對早春碧玉竟拋騎鳳客
綠珠甘作墮樓人風迴香屑疑魂返月落寒輝只夢親
酷憶幽居簾額裏最唾牆外學窺臣

殘香狼籍罨秦樓一卷宗風在上頭此事竟休無可說
好春纔半已難求孤眠待憶何堪憶殢酒牽愁也莫愁
料得芳魂歸玉島凡夫奚術訪蓬洲

天生姻好嫁林家幼小相莊歷歲華落晚倚風翻副墨
凌晨消雪看煎茶誰憐百煉冰天質不及雙鬟露井花
日暮歌梁最蕭瑟珊珊環珮是非耶

暫到人間出世間亭亭姑射雪冰顏鐘敲夢短魂難續

刀剪風尖締本慳悔不萬迴巡粉萼空教雙淚洒雲山
盈虛見說循環理又恐花知誚我頑

秋日雜詩示仲嘉在衡

鍾山碧峩峩秦淮清且澗青谿歌舞空桃渡木葉脫賤
子因人來淒風剪故葛言有素心人入門慰饑渴兩年
離愁牽今夕沈憂豁索我近著作丹鉛間塗抹問我來
何需空囊賴簡括酒酣拔劍舞涼月入我闥相將步長
橋幽吟轉狂喝柳衰蟬淒淒荷敗魚潑潑此景未能忘
此意未能遏

溷俗良不易高蹈非所任起足無地匿引吭難淵沉情
語習所悅出門卽苔岑桑榆邀薄暄蓬麻敷平林嚶嚶

小鳥鳴感人一何深無情尙牽愛如何違賞音泉流異

清濁桐絲鬱嶇嶇南村訪我友

仲嘉移居嘉成堂巷名
十八家村故城中得稱

村苦言稱心吟深譚酒細傾相視涕盈襟涼飈吐商氣

楓葉憐同心

冀野產汗血伯陽曰良駒食以香稻粒策與凡馬殊本
期千里足流光躡天衢如何時未來俛就萌隸驅文章
藻世資古重待賈沽貶筆趨靡音徒供鬼擲揄品格凌
松筠光華灼鳳梧國門懸千金按劍投明珠元氣鼓萬
物樂哉名實俱如何佩蘭客化爲逐臭夫

楚王償凡亡安陵胎其殃昔日繁華時天桃發輝光盼
睖膠漆交澤膩蘭杜香得魚盟書丹射蜺淚沾裳不惜

西水詩金卷二
五
金城傾何愛玉體戕千秋萬歲後與子不相忘何物一
腐儒區區瀝肝腸欲止歌者田母乃迂且狂抗聲解幕
繫厥罪不可詳九死投瀟湘至今稱忠良上下巫山高
雲起不忍望

師多智彌精世晚質彌冶厲氣罪虛舟伎心怨飄瓦更
苦無情人望塵附風雅何有車笠盟相逢爲君下真人
棄蓬萊毋乃仙才假

老龍狂言藪郢鼻匠石質別緒抽竇機恨理伏江筆造
物生吾輩詒世以口寔物情不可論光華發狂猶課虛
急責有漆園未可必沿流忘討源昌平遭塗乙許生曠
代才芙蕖艷初日緣情加綺靡渺慮助蕭瑟宋玉續屈

騷商隱摹杜律但非濠梁游誰使卮言出

孫月潭夏用修見寄四詩依韻奉答

壇築槐江卅載圯斯人宛在綠葭湄敢云拔幟摩殘壘
猶是偏師請昔期捫虱雄譚珠散咳聞雞狂舞劍生眉
何堪杖杜增惆悵忽下雲端錦段詩

魯邦鈴柝夜相親况是斯文氣味真風雨披離情自合
雲山洗刷境彌新自慚閉戶陳無已最喜聯吟蔡有隣
自此招尋應不厭客都忘主主忘賓

吾道前賢賴後賢驚心梓澤散雲煙願言鷗夢尋今日
未覺鷄盟負往年上巳風光花裏路重陽天氣葦間船
相思興到吾從爾把酒高歌第一泉

鼠鬚蕉葉久塵封敢惜巴吟懨過從壁壘攝官前白馬
文章巨手探驪龍銀河倒瀉愁千斛雲樹微茫路幾重
只有馨香堪寄遠行行木末采芙蓉

西郊訪菊次節孫韻二首

策策河流短短籬幾家叢菊最矜奇一年一見交已故
此日此時來較遲良會不殊萸紫日好花猶及蠓黃時
便須典却絺兮綌弗負陶公漉酒期

憑他黠鬼笑人癡且共心知慰所期努力已非春艷日
孤標應有晚香時千林紅葉千巡酒一朵黃花一首詩
此外何須掛懷抱問津還問子爲誰

對雪二首次韻 逸一

海上銀巖一夜成玉樓高矗更層城點梅晨額評風絮
把卷宵吟賽月明枯樹息深生意淺博爐寒重縷烟輕
道人骨節珊珊處恰應黃岡碎玉聲

寄荆嘿菴廣文三首

北望停北雲問我何所思我思江水外我友官於斯我
友官儒官官冷薄俗啗酒空飯不足學道以自怡濂溪
愛種蓮堯夫愛吟詩二賢去已遠芳躅何可追我友愛
古人獨往追躡之池種青白蓮岸種梧柳枝梧月照几
席柳風吹鬢絲左手易通書右手訂頑詞客至忘寒暄
並坐一水湄惜我無輕舟思君徒爾爲

憶昔蓮開時四十七初度門生載酒過令子戒飲具飲

我累十觴涼颺起薄暮蕭蕭竹搖牕
睽睽月白路當筵
進小詞宛轉愜情悖約言三載後再聽狂歌誤首藉非
久羈霖雨行遠澍吾當製風詩爲君叶韶護條焉屈良
期此志竟違懼奮飛不能前毋乃鍛翎故駘蕩廣陵濤
歎息虞塘渡蓄意空悠悠江雲莽迴互

學成君所求道足民所望我愛惜陰人運甕以自強不
苦去日多所愛來日長我友威公姿精悍不可當條理
至木屑特達爲珪璋如何抱遺經坐臥幾千霜國家重
教養民困尤可傷我友經濟才腹腴非外疆安得數百
輩落落布八方上堂課絃誦下堂課耕桑致民於成周
致君於虞唐元元頌神君兕觥稱公堂

送楊子益之長安

聞君指日向長安驛舍梅開尙薄寒一入洛陽花信緊
再經豐邑酒杯寬知交客路行何遠貧賤家山別不難
此去故人琴韻好滿城花錦送新歡
徑入琴堂坐講堂鳳毛犀角有輝光撥簾看雪玉千尺
太白武功閉戶溫經醴一觴鄠杜雉嬌鋪艾帳液池鴛
煖泛沙棠懷人憶事如垂問爲報窮愁鬢早霜

許薇衡移居

綠陰輕送一聲鶯
公度移居傍古城
簷宇放寬貪貯月
草花忙補要娛情
人行垣外尋常見
兒讀更深仔細聽
何日得閒能就爾
吟箋茶椀共平生

寄懷陶艾圃先生

自送春江帆相思到秋雨繁香生渚蓮金飈颯庭樹昨夜夢見公挾策上樓住妙語析微茫初月弦半吐醒隔三千程撫枕盈觸忤念公爲民起安敢訴離苦皇天生斯人責以任寰宇况于公所存闕達追稷禹恨非百里才而與噲等伍一命必有濟累以此無撫宓琴言絃歌夫豈獨千古設施本官禮鼓盪出韶舞晉城視如傷雲巖急循拊風流宜在茲卓魯安足數矧彼滿縣花但覺兒女嫵鈴閣有餘清講習豁傳詒謝玉倚王郎吟和滿瑤圃逍遙如家園真足娛仰頽賤子鳴短章幽咽毫欲腐下以勸加餐上以勞靡監風雨春樹樓孤弱愴雲帖

曩昔噢咻之最稔繫心腑一言與提命金篦刮盲瞽塞鴈西北來矯首睨落羽

臘九日學人招同香草烟谷秋崖雪霽雅集和

香草韻二首

黃葉翻堦動靜聞雪飛一尺覆籤芸褐衣破曉搖銀樹蠟屐衝寒累鐵君老友酒顏徵橘纈詩人韻脚帶梅芬溪聲山翠宸章麗鳥語花香也不羣

袁安高枕拒門時老子投閒更莫之缸面拍開要薄醉版頭翻亂記新奇論詩水瀉元明事放學金鏃恨別詞

學人令子虎郎六七齡耳立几側能背誦恨別二賦世上幾書能狠讀此生無欠樂難支

潘長卿古詩見懷依韻奉答

兩年苦相思昧昧靡朝夕九日上歸艇行吟湘潭客一
望青州青再望白雲白塞鴈與過江征塵洒然釋京華
日以遠親故日以卽雲渡水清淺一流心與跡霜鬢疑
易緇醉眼欲生碧書史足翻瀾險巇免攀陟借居仙人
樓驀入維摩室尋香得黃梅嘗果剝皺栗我友靜者儔
相對無太息悠悠何足言卽此有餘適

和草草亭詩五首

昨夢見仙人浩歌蓬壺裏秦峯森丰標銀漢寫胸次何
不豁塵網脫身遂爾爾王孫稽阮流結束不如此草草
百年身何竟又何始

相期種瑤草疇不慕遠志雲泥各飛沉霎眼失交臂高
車有時傾孤雲了無繫微吟清夙醒幽花托晚契梧桐
送新陰雙眸亦堪寄

城隅咫尺地勾出一空曠杳無車馬喧俗眼迷委巷涼
雨靜輕埃一編自怡暢客至捐世情忘言廓理障興至
成小詩差足見微尙

世事如癡龍長眠此立壁今得點睛人無雲亦飛出冥
坐春潭潭清嘯秋瑟瑟天宇不爲寬容滕不爲窄壯哉
培天風奚數六月息

猶憶總角時曾共數晨夕願言敦古懽黽勉事經籍相
思卽出門術路夢亦識愛子無琴絃爲我一撫席尙餘

十笏地可許謀托跡

九月十一日正去年覆舟時也口號二絕句

僥倖筐兒將地名水泥更生頭角又週期不然此老曾仙

蛻化鶴歸來也一奇

拖泥帶水到楊村地名剪紙招魂對夕飡今日一盃猶活

祭好呼豚子夜深論

和學人秋桂冬榮三絕句

霜寒碧瓦氣鱗鱗
牕外天香別樣新
色養也須花供養
爲君呈媚母夫人

月中仙種世難求
移向君家分外幽
那比小山凡艷質
花時只占一番秋

料理騷鸞又一程
吳剛快斧筆尖生
豫愁來歲連根斫
故放今朝特地榮

送吳庭揚北上

皇天四時平清和
最佳辰旣非蕭瑟
秋又脫漫誕春風
漾麥畦浪雨洗柳
陌塵朱櫻來青陽
紫芹生河濬鱒魚
如切玉蘆笋賽煮
蓴將採穀雨茶時
釣笠澤鱗方與二
三子共樂情話親
夫子獨何爲四牡
歌駢駢天上尺書
至迫趨謁選人出
處時所爲行止非
由身讀書本拯世
稽古知愛民一命
宰百里亦可施吾
仁急以膚寸雲廓
茲膏澤屯栽花特
斌媚安仁何足倫
穎川鳴鳳皇周南
游祥麟庶幾弘遠
謨坐致風俗淳故
人老江南企脚菰

蘆濱他日徵斯言將向轄使陳

牡丹用歐陽公洛陽牡丹圖韻

洛陽花與江南宜植根得所尤矜奇江南三月萬花發
此花高據中王之安平閣闕伯起賢花時許我青眸窺
紫色早綻壓紅色東枝斜蠹傾西枝坐臥花下飮奇馥
閒殺擔上徵高貲價高不問古所歎香好可親今此時
金帶圍賞揚州守瑤臺月醉巫山妃風流頑艷世不絕
冲澗冶淡心自知迴颺吹馨轉幽咽坐看白日青空馳
一年花事有幾日闌風伏雨彫縹緋失此爛熳答景光
惜哉茵溷誰妍媸賢主諧笑須我友相見痛飲奚復疑
好鳥嚶嚶花外囀清陰冉冉花間移歌喉舞袖太狼籍

只此已足當妖姬君家奇字閣於此君家種荳歌安施
及時爲樂取快意填補少壯聊慰私君歌我缶高興發
一唱三歎悲心微悠悠名利直唾棄紛紛俗態從澆漓
王風蔓草則可惜短衣坐嘯徒爾爲一杯酌花君莫忘
健筆爲我亟起衰

歲暮雜感用虞山師韻效長慶放言體五首

斗杓旋指一週天籠鳥駒馳又餞年中德通明司啟閉
異材輪囷躍方圓誰人吹動梅花遂無字孤懸栢子禪
出世也嫌難了事莫叅龍象莫修仙

靈椿曾說八千秋萌甲摧殘地軸遊莫是脚翻山下路
好將身嘯海西頭鵬拳自昔開全網鰲釣從他咲直鈎

生死窮通都一槩幾人掙眼看齊州

手擘豚雛省阿漉車聲雷殷日斜何集成鵲印三層樹
水戲驪珠九曲河節度自衰行義士翹關終讓力田科
江天圓月隨人到光照萱庭白髮多

久矣春光非我春睂灣空見月灣新瓊樓積雪三千夜
翠被孤舟一個身面以唾多兼隱淚酒綠愁到學沾唇
褊心何事仇飄瓦此豈章惇足破嗔

胥口飛蓬碣石弧此中儘着一狂夫閒翻爛史千秋鏡
靜下重簾五岳圖香迸老梅長作供杯吹野水未須沽
新粧炫服羣兒態塵外還來眼角無

花朝前一日學人載酒招同芋莊長卿若猷過

三蘿家探梅卽席限韻二首

月魄冰魂玉手裁東君散作一庭梅祗容高士成詩史
可許閒人送酒盃松竹清陰生積翠市朝塵事欲寒灰
非關隔斷巖城柝帶月巡檐定幾迴

盈盈一水繞山家竹圃蔬畦故故斜但看練帚思澆墨
况經春事有梅花巾車未返翻傳簡初至主人他出熟客如歸
自煮茶正愛夕陽無限好惱人懷抱滿林鴉

學人之行也向予索詩而意境荒率不得一語
適長卿成五言三首依韻和之如其數書罷惘
然依舊未嘗提得起一字也

言別三千里扶搖九萬程出門西向笑何處北京城山

色晴如抹江流咽未平石尤風信惡應解惜離羣

五日孤帆下

自家至廣陵凡五日

依然挾卷書幾時溫昔酒昨歲

侍閒居索笑春花底相思秋雨餘丈夫孤矢志不用濕
征裾

求友皆吾友多師是汝師分張尺璧價親切寸心知短
髮空搔首長身學簸旗帝鄉非歎所橫笛莫教吹

丙子秋九月外姑六十敬步五十時原韻二首

一串牟尼向佛持下樓無事不親爲搬柴運水頭頭道

老哭兒啼色色醫五夜禪燈分課讀三更涼月照機絲

水田挾纊深山裏善信辛勤雪窖知

近日送衣天台華頂

山頽木壞懼難持萬事周詳隻手爲本分齏鹽無欠缺

別家慈孝待治醫

感近事

孤鸞自照迴風舞獨鶴慵梳鬢

雪絲歷盡艱危任勞怨心心不負夜臺知

秋日雜感六首

選四

塵界人人錯浮生故故忙要尋剛醒夢疑發急行裝霜

鬢顛毛白花搖病眼黃未知來日事且莫負重陽

南北蒙頭走酸辛出口嘗有塗皆阮籍無地不義皇夜

雨江船漲晨星竹簡光懷人傷宿草慵對晚花香

落日蓬門杖傷哉過望情虛涼還有涕慚痛欲無生前

舍瓜瓢熟西疇荳蕪清誓言今徒業巡圃試經營

獨醒宵難曉長愁日易曛上天猶識字下第莫論文饑

飽碧翁定行藏白社分尙餘江管禿興至欲書裘

鄉行

初日朦朧曉霧涼青山門外灞橋韁雞豚跡散鋤葵圃
鳥雀聲喧晒稻場村舍狗蠅都蓓蕾墓門鴉相半紅黃
傷心廿載松楸路容易人間七十霜是行也為稱季父
七十觴因念伯父
吾父俱不及享
遐齡愴然有悞

贈錢大翼六首送其歸虞山

選四

空傳刮目待吳蒙薄命何須竿易通大翼以易數推
人謬卜子後社墮
地已知磨蠍守問天難御朔鴻風孤魂及第應瑤草垂
老無家任轉蓬聞道黃門哀永逝十年憔悴此情同
蟬翼千鈞夏鼎輕拍肩羣賢議縱橫文身焉用資章甫
楚璧何人與趙城携澄泥硯
售者絕少長恐詩書遂牆壁直教奔

走到公卿京華致語空相誚短檠移牀覺有清

偶感京
師故人

致語

青女寒欺絡石蘿新荔酒力近如何腹中藁脫憑誰寫
枕上詩成只自哦山閣憑欄塵事遠湖心擊榜月明多
追紀戊辰夏事歸然大樹今韓杜甘作蚍蜉亦任他此首懷
虞山師
樓頭臘蘂又衰衰兄弟顛連不復來蘇晉其人叅綉佛
謂臯聞兄弟劉郎多分入天台三往爨
公不遇可憐楊柳歌三疊容
易飄零酒一盃忽忽窮愁悵分手泥他陽律起寒灰

贈邵青門

生世錐處囊又如壁藏培早慧穎則脫時至肘壓紐先
生東南秀抗志古人友出語凌北地高文薄南斗實至

賓則從識者信不朽海內奉盤饑得之埒瓊玖商丘今
歐陽敬若宛陵叟堯峯亦文豪薦樽柳州柳鯁生伏蓬
蒿憑軾亦已久一代有幾人百年見誰某先生獨歸然
言立千古壽春酌雲溪堂追陪杖屨後花外停小車自
言蹇趨走百里行過半願言自愛厚且輟口吟哦且袖
作家手逍遙引大年瑤草遍芝畝屬我一康爵聽我一
擊缶

西林詩鈔卷二終

西林詩鈔卷三

武進 陳 鍊 道柔

芷園先生王嗣衍閱定 山陰孫 謙椒圃氏選

風雨中虞山往還凡六日紀事六首

十年愛說子游城腸斷孤蓬此一征空向丹山來攬鳳
長懷碧海去騎鯨登盤小取楊家果入室頻呼韓子檠
還料玉樓高絕處下拋吾黨怨難平

每逢龍象見精神劫外靈光氣更新詩裡居然猶二老

易占不速有三人

時與楚維
嗣會偕行

煙消水白開天眼雨洗峯

青露法身最是函關初失路雞鳴如晦愴斯神

哭奠先
師卒事

登二樂閣讀閣中先師遺
詩三首因次韻呈眼上人

五年前托水萍交薜荔開門帶雨敲困鳥退風同六鶴
潛鱗逆水玩初爻何時築室依巖住預訂羸糧借集抄
至喜湖光山色裏蓋頭茅把架書巢風逆阻舟故有三
四句約以來正至

閣中校訂先師
全集故有六句

尚湖醜酒五經年追數前歡重惘然又以二公能好事

欲成三笑與延緣人間得喪藏鈎手物外逍遙刺葦船

風起白蘋消耳熱鐘聲遙憂瞑煙邊白憚二君拉放舟
湖心飲酒因憶甲

辰夏同立素侍
飲先師故事

連朝白也共相於萬頃茫然一葦如神女雨來迷翠黛

石尤風惡混樵漁嶺雲高椽同兒戲拂水懸珠亦子虛

摻手下山長嘯去低頭翻愧夕陽鋤以風阻不行至劍
門高處覓先師詩

文塔歎其規制不稱是日西
南風亦不見所謂拂水者

風雨聲中墊角巾不煩清水滌塵纓生芻自是林間物

弔鶴何疑世外臣蹒爾輪困羅漢相歸然歷落大夫身

可憐耆舊銷磨盡無復當年聽雨人歸舟晚泊惠山摩
娑古松樹下先師

與錫山唐顧諸君子結聽社十七子
今先師下世盡之矣故書之以誌感

叔魚致書曰先生已踰祥琴宜稍近聲律以慰

羣望不然恐小子有何述之歎予愧悚不敢當

而重違其意搦管代東答之并叙所以不能詩

之故凡三首

枯蟬槁蚓豈能鳴况歷哀摧夢亦怛盡淚那禁猶繼血
予琴終恐不成聲窮途綿力休長駕孤子殘生恨短情

慙愧故人思拂拭大昭弛久欲辭繁

少日顛狂在一鳴啾啾百鳥重怛怛久淹枳棘羞為羽

不共鸞凰耻作聲青眼塵埃那可得白頭香粉亦何情

捐書焚硯真吾事繞膝含飴對食粲近又得一孫共六雛矣

此生自斷莫飛鳴何苦蔗脩觸網怛漆炭已無妻認面

呻吟猶有友聞聲擔簦上國誠多事祝髮空山近不情

要補風騷公等在霜顛霧眼怕燈檠

和牧公辛齋雅集見示之作

已公才思掩閭丘筇笠孤舟事事幽一棹蘋風吹落日

滿樓梧雨洗清秋移來九畹成香供辛齋漳蘭甚盛圖就千峯

當臥游公以萬峯行脚圖索詩擊鉢攬衣吟興發早知聲教重方

州

答牧公留別原韻

蓮池又起蓼花風拂拂烏絲別樣紅經鈔已燒空丈室

詩瓢頻貯壓征蓬唵聯茅屋情何盡杯渡蘆溝興不窮

只恐白雲留欲住西窗剪燭邈難同

秋蟲

唧唧復唧唧蒼茫問何聲如依寡婦織欲促羈人征斜

月弔蘿壁涼風欺荳棚此時誰遣得吾亦悄然清

秋水

萬木雲連雨百川水灌河依然乘月舫倏爾沒煙莎指

點伊人處相思遲暮多欲歸猶徙倚波外起漁歌

秋樹

團團一圓蓋。春至發新青。忽見蘸霜葉。疑聞御風翎。次
寥生朔氣。蕭槭滿空庭。搖落亦何怨。童然對酒星。

秋茶

何處秋風客。提携蒨一籠。著經收第五。投水泛當中。味
較春光薄。香添曉露融。林間燒落葉。配爾爨餘桐。

秋衾

小雨輕稠至。便便坦腹辰。未容姜大被。先遣竹夫人。宛
轉隨身便。溫柔與夢親。巫雲非意及。莊蝶亦何因。

秋琴

黃葉從風轉。泠泠欲動絃。龍吟寒水下。鴈落折蘆前。古

淡蕩吟魄寬。平容坐禪。莫非姚代手。出塚要人傳。

秋海棠

可航分賦

斷腸思婦竊春工。牆角苔陰委一叢。不會沾唇偏薄醉
何曾烘日也。嫣紅涼燈笑倚。調雲母淡月魂歸。驗守宮
零落雨中休。歎惜莊姜絺綌。御淒風

送楊古度之燕省覲次芋莊韻

君家銅柱繞三帀。文采葳蕤紛馭選。小春花下竹林杯
長檠月斜孺子榻。正覺高歌動寥廓。寧知樂事生離合
芥看青紫鬪身強。戰親楚漢。搴旗捷金鵬。擊水快三千
鉄鶴巷承懽不旬卅。並馬聯鑣大小阮。鹿田感時懷古
斷續答酒帘。小歇剪驚翬。荒途打尖熟羊腩。路入萊州

萊彩分鹿田中道先觀懸知紀事險韵押冀野應空龍

馬來燕雲寔怕茶火壓陰符馴養紀消鷄長筵好放金

籠鴿令弟粗知出火攻時文古義都淵洽謂農玉堂傑

直憇高閒珠林風氣開昏霎天上臚傳龍袞烟堦下瑤

環鳳凰蠟况是多賢霸南服謂令兄茂老及深山忍嘯

黔驢狎褐夫老醜誠足嗤棲遲松菊甘卑狹驪歌載道

客吸鯨小戶也須容一呷

歲暮雜感次韻四首

也識青山有白駒錯思千里愧駘駑何曾冬日溫蓬華
早使秋霜落鬢鬚萬國昇平規外遠一身康濟道中腴
歲華道盡渾忘却欲累愚溪谷亦愚

絕少營求乞老天在家和子到家禪心空莫管閒田桂
識淨能開火地蓮醉去拋書聊晏爾興來提筆更翛然
寒香又向樓頭綻覓句巡簷一折旋

歲寒三友露槎枒每到春光屬望賒花下南陔晨膳潔
香中淨土夕陽斜只今白社風猶昔其奈黃壚事已差
俯仰懷人倍惆悵未聞隣笛起長嗟

偏讓游行撒手先涼涼獨坐憶君賢牛眠叶吉剛前月
前月二十日葬鴈隻啼寒整十年世事漸磷磨劍石人
情日下潰防川半生托契惟師友文字詩篇別樣緣近

虞山師
手報

上元後一日同行九翔念嵩臯共樞學人集遂

初堂卽事限韻二首

執戟家風識字身，招邀歲酒共尋春。
垂簾聽雨催花放，看客敲棋布陣新。
還想撫琴游海嶽，何心相馬問臯歆。
豈知利火名湯外，別有成羣作達人。
庾公塵不到梅筠，况是高齋切杳旻。
海外蟲魚歸簡冊，夢中宮闕見金銀。
春愁黯黯樽前釋，梅蘂差差燭下親。
敢說友朋膠漆似，信知今古重雷陳。

春雨同長卿學人作

九十春光半廉纖，兩脚綿建寅。
三日醒度卯，萬絲懸斷送花千。
樹平鋪草一筵潑，油來蘚徑引海到桑田。
濕鴈飛仍急，寒溪響更圓。
鶯雛啼帶淚，鳩婦喚還咽。
書幌燈

花暗粧臺蕙葉妍，落梅惟是泣舞柳。
欲長眠，山鬼邀相語，林神悄。
自憐白歸虛牝處，青入燒痕邊。
湖水漻漻碧，巫山黯黯薦。
鸞峰頭留宋玉道，上滯張顛浪。
起愁淹麥波，蒸快打鮮河豚。
初上箔江蔬，正掀船鴛瓦。
饑鳥站芸編，腐蠹踉炭冰。
違火性薪桂，失炊烟顧兔。
疑藏却陽烏，似舍旃地行。
蟣蝨細欲上玉皇箋。

曹三蘿製小舟名之曰撥雲村南舍北泛月看

花甚便適也自爲詩二章屬和

青山門外客綠波，村裏舟檣撥五里。
霧篙破一頃秋，欹頭因載鶴掉尾。
趁驚鷗，夫子欲何適，飄飄疑十洲。
牽岸不成屋下溪，如小龕檣烏聲。
肅肅泥燕語，喃喃訪

桂蒹葭水喫菱蘆墅庵更憐幽興極汀晚漱餘酣

答延令季端木次來韻

攬袂猶憶大河干仰面青天共佛看子去延令端木流

水不堪和淚散窮途翻覺與心安塞鴻身世飄零易社

燕光陰把翫難從此渡頭分手去十年雲樹黯漫漫

相思相望各江干料得停雲儘意看一自白駒悲過隙

更稀青鳥報平安車夫高四亡而三千積水搏風易五

十無車絮酒難高堂兩尊大人之變賴自寸心千古在

夢中猶識路漫漫缺然耿耿借禮自寬

三疊韻寄希聖

科名文字豈相干錯把鴛針繡譜看肯信鶴脰平非可

截莫將蛇足更求安青溪聞笛邀人易客秋遇白浪攤

錢喚渡難寄語始衰應自愛羅浮風雨任迷漫於舊京

贈在衡

少日才華比艷陽蹉跎憔悴髮蒼蒼蒲編兩笥詩千首

竹篋三条菜一筐半醉獨吟狂不歇避人逢佛佞何妨

年來辛苦誰知爾風透湘簾月覘牀

自咲叠前韻

每思童穉戲青陽忘却吾身忽老蒼要辦雪梨將遠道

老母患痰疾未曾風栗歎虛筐性愛風栗窘直腸不覺

每食雪梨人情忤病齒恒憂服食妨何肉周妻已雙遣蕭然襍被

偃禪牀

西郊歸三疊前韻

黃花黃葉滿斜陽烟井參差暮色蒼釣起白魚將貫柳
摘完殘芰不盈筐長亭對客聯吟穩短柝催人久坐妨
大笑入門饒野性慢傾瓶酒上繩牀

送管青村之官新昌卽用其留別和東坡先生

送江公著知吉州韻介亭餞楊次公韻二首

湘簾一幅紋如水初秋風物斜川美門外傳呼似故人
投詩索和東坡子香氣人知懷縣花飛鳧我識神仙履
先德潯江碑在口初政餘水清盈耳前年除書得夜郎
霜虐風饕六千里於今濯湖訪梅福父老熟識楚然喜
東軒芝亭洗墨池某人某蹟堪臚指亂山深處長官清

蘇自寫照君亦爾

憶昔燕臺雪罨門與君墜戶同窮村詩篇夜和吟到卯
經史瀾翻探其源小樓風疎水晶簾三更月上頗黎盆
酒人從此不相關歸來抱影秋樹根我慵三舍甘退避
君才八斗誰能昆文章政事正飈發扁舟浩蕩西南坤
中和樂職二三子泉源日出千百言三年治平奏第一
看君應召騰華軒

送碩齋之官惠安次鳧令韻

君祖東林冠高顧僉壬不利滋譏讒尊人矯矯我父執
出入辟咥恒恭誠慚愧金昆兄事我如柳魚貫周徧咸
校藝論文細逾髮遇事厲角氣奪麀君尤長厚夙愛敬

循牆負劔終日僂補衣納履犯冰雪悲辛殘冷禁饜饒
數踏省闈擲席帽驀入內府仍青衫柴門妻子付渺渺
羽林子弟欽巖巖六年得官宰百里簡書一尺綬一函
卽看霖雨出襟袖至喜帖括歸幽緘南去小岞東洛陽
萬水環帶千山岬香草紛披惑荃蕙黛章蒙密疑松杉
小嫌牒訴來倥惚侏儻滿耳如燕喃循吏佳傳儒者合
先人行義令子監臯比說經析義利繡衣建議祛鄙凡
引領繼起大家學如車兩輪風飽帆故園老友不煩念
黃精托命餘長鏡看君弩力樹宏遠及時捷足高頭銜

東坡先生以宋建中靖國元年辛巳七月二十
八日卒於常州白雲溪上孫氏寓館到今康熙

辛巳六百年矣今歲方庶常共樞延予主西塾
坐臥處卽孫氏館地低徊吟歎不釋於懷爰以
是日招同學諸子及門人輩凡十九人肇祀先
生拈眉山二字記事二首

端明此地上騎箕萬歲千秋宋玉悲七澤已空猶吊古
兩楹長在忍忘斯晚傷同叔違風雨早向君王乞蓋帷
只望稍輕儻海瘴托身原不定峨眉

崎嶇萬里息間關客夢清酣卽故山網得銀鱗開咲口
盛來玉盃破愁顏花前剪紙秋光滿池上敲詩夕照閒
願約年年爲此會蘭旌只送白雲灣

戲題叔魚追悼香海棠歌後

海棠睡去卅餘年勿勿香魂上蜀箋不是顛生招不得

怪來張米愛呼顛叔魚自署
海棠顛

古塘橋眷見紅蘚花時橋
上皆見追溯蘇公六百年人與好花

同一夢未須全放十分顛

哭叔魚二首

江都聲譽久麟麟有子寧馨步後塵識字先師嘆辛苦

虞山先師
愛其善學稱詩開府賞清新謂宋漫
堂中丞誰知窮苦還多病

竟坐清狂遽殞身一死人生均不免只悲君死後無人

少日登壇振羽翰翠茗詩舍拂輕紈經年私語題當補

永夜長呼字未安少婦豫愁戕性命慈幃真痛嘔心肝

信知免灑朱藤淚竟共牽牛控玉鸞牽牛其兄漢求小
字莖茶山路有朱

藤二株叔魚詩從今免灑
茶山淚兩樹朱藤吾故鄉

哭仲弟鑄五百字

四月十七日下樓一徙倚吾鄉無垢師因風颯然至為

言仲弟病聞之已心悸嗟弟夙勞苦不堪病為祟窮鄉

無名醫服藥尤危事急遣一力歸為言勿輕試越日至

二十耿蘭報飛騎入耳霹靂摧捫胸及刃割踊地地欲

傾號天天若醉人皆有手足胡我獨速毀人皆有兄弟

安樂或早躓吾弟至貧苦衣食不克致膝下有三男長

者粗識字蒙求糊其口仲季方幼穉煢煢一老妻易米

常截髮長貧復短年五十猶缺二天生汝何為百料不

一遂空懷濟時略徒抱出羣志嗚呼遽至斯茫昧真可

異急呼兩兒來父子共涕泗此亦兒女仁迫切在置榼
亭午趨長年爲我滿颿使心急行轉稽昏黃猶屢企狂
飈拉檣楫暗樹疑鬼魅艤舟登黑岸父子如曳跛入門
聞叫號踊擗若奔駟上助慈母哀涕淚泉湧地有人相
憫唁真乃秦越視念吾與仲弟少小相煦戲旣長各饑
驅相見亦不易更愧爲汝兄不克爲汝庇步月懷萬端
望雲恒一喟方謂齒漸暮婚嫁將了備同懷只三人庶
幾老而嬉今冬汝長子娶婦有成議吾當一助汝不致
傷重累天胡遽降割乃爲汝製襚子弱室又空何以卹
顛頽地錐竟雙無妻子命將墜急難相呼號猶幸有一
季季也雖才能口手已盡瘁慘絕八旬母哀哀哭不置

撫棺曉夜慟隣媪爲酸鼻緣是與季謀權厝父塋隧缺
月正射戶送汝輻車離親戚悲不勝閭里亦歔歔智勇
戢一棺自此其永棄嗚呼復何云青草漬紅淚吾生豈
無涯長汝翻此寄世累叢一身羨汝得長寐

哭虞山夫子十章

龍蛇運厄哲人萎雨怨雲愁哭寢時八百歲華空想望
夫子與彭祖同壬子癸亥三千弟子共傷悲茫茫白水流雙淚黯黯
蒼梧結九疑偏是神交真可接音容無恙欲披帷

提命恩勤罔極同百年師弟一哀中長承諄復深更退
別費鉗錘小札通春樹樓頭時結襪葛仙橋畔每扶筇
只今蹤跡經行處淚灑榴花片片紅

彈指經過廿四年別來消息未茫然盈盈秋水魚兒過
艷艷春林鳳子穿家事因仍頻致語奇文忻賞定郵傳
可堪隣遂梅花落愁坐江城五月天

閒經東圃柳絲存

董氏東圃向年會講處也

望眼模糊淚已吞地下

有人敷几席

傷体先起男直方漢求

寰中無路省涼溫

侯芭粗識楊家字宋玉難招屈子魂九辨九章紛旖旎
誰從海外攪乾坤

也知有質定銷亡夜壑亾舟劇愴傷饗帝雉羹方婉孌
會真鸞駕太匆忙虛空杖屨凌黃竹敏捷詩篇覽大荒
淒絕吾徒隔山嶽暗風愁雨雨茫茫

夜半傳衣何足云微言絕學少知聞虛堂立雪燈花池

小閣然枯竹葉醺文肆柳州商種樹字摹山谷泥書裙
尋思都是前塵影泣罷淒然睇遠雲

帝所旁求識字仙等身經史墮塵烟倒頭猶拭眉紋石
過口還占角鎮篇夢裏枯藤穿古樹枕邊清淚滴微泉

見再

生錄友朋文字牽連處嘆惜何人作鄭箋

誰云只鑄一顏回三兩爲羣破碧苔短許小謀僧舍哭
髯蘇猶痛劫池灰溪尖岐路楊朱泣橋口浮雲李白哀
還憶講堂文字飲幾多裙屐夜深杯

翻笑鯤鵬是鸞鳩賢良從昔鬼揶揄詩文小技猶多怪
人品高山合衆咻自此叅天無大樹爭教滿地不蚍蜉
寄言吾黨無隨俗天外回頭一縱眸

江天遽隕少微星况遇狂飈折鶴鴒近喪仲弟欲筮巫陽予

魂魄分去聲拋徐甲賸伶仃寒光冪歷侵書幌細雨霏微

濕草庭稠疊楚歌腸易斷誰教騷客肯來聽

戊寅十二月二十一日為中丞荆山先生之配

徐母潘太夫人六十設悅之辰里中戚友及四

方君子稱壽至者波委雲屬予適歸自江上自

顧一無可將謹撰往體詩一百韻為獻用以頌

說懿行揚厲芳徽蓋予以往年中丞先生之招

為其幼子永宣授經者凡六年知太夫人者最

稔非他之逃聽風聲者比一切景福鴻庥之辭

刪雉不具坤載孝廉學人上舍其為我洛誦于

太夫人之前少助舉觴之慶矣乎并示長卿共

樞見通家故人之情如其質寔而不敢泛也

滎陽鬱儒宗常棣萼鞞鞞長公挺璠璣次公耀簠簋謂大

生長吉兩先生兄弟齊青雲衆山悉剝施次公艱於嗣潛德鍾

女士婺星翩然下三品叶前軌太夫人初生時星家者言其與家開府公相埒

不用歎無兒木蘭勝男子坐膝認之無纖指出藻火叶

咏絮奚足方簪花特餘技四德本天成芳徽播桑梓無

言蘭芬揚不翼鸞音起南州鳳鳴岡千仞噉天咫其時

方單棲合之信兩美以下叙母孝養翁姑之事入厨便洗手羹湯佐

炊米低頭語小姑翁嫜性何似上堂問起居眷鞞潔修

隨事姑不十年事翁越三紀太翁暮景佳夫子宦京邸

天眷方渥優作忠未遑已有婦代子職晨昏侍食度中
君亦經心餽餘必親視堂上偶不怡牀前輒長跪先意
効承順百方致之喜夢蛇復夢熊撫之若毛裏至今畢
婚嫁勤勞爲脫珥以下叙母事夫子持門戶之事言溯結褵時夫子登
臚仕儻從塞其門臧獲盈其室叶上下百千指均平無
一負叶催租與課織左宜而右有叶機務應倉猝一一
中肯綮王事日鞅掌母時北堂守叶轉輸煩蕭何三致
陋范蠡未冬緘衣裘先春送齊醞南北路三千呼吸如
諾唯用紆內顧憂孤班秉端揆旣而星奔歸國郵不停
晷忠孝殞厥生母誓以身委長君行服官少子未嘉止
讀書望成名痛此未了事善後良獨難殺身特唾涕誰

云賢夫人必以殉爲韙但看烏府後鬱鬱氣燦燿光華
視昔倍信母功則偉以下叙母教育子尤閔斯慈與嚴
相濟恩勤悉自乳整肅異犢舐十年就外傳熊連雜救
餌經師兼人師束脩羊在俎不爲織屑謀事體必加等
叶以是兩郎君聲名在朋友叶雖爲六月息雲布盼霖
雨叶品望瑩珪璋詩文出宮徵佳兒人所羨愛女亦視
此儀刑曹大家敬勤文伯母叶奉誠遠從人大國羸與
羊所至著賢聲蔚矣彤管煒以下叙母懿行其他懿行
百更僕難議擬豁達絕猜忌操縱片言以不爲作繭蠶
只如建瓴水鬚眉慚躡嚙巾幗恥竄嵒母抱剛直腸誓
不效瑣猥拯人艱難際出口又出手叶人以歲相望如

餒得白芑飯僧堇金容儒者所不齒母復不惜費隨俗
聊爾爾多則蠲千緡少亦拔耀首叶至於戚與族伏臘
塵生綺赤脚並長鬚奔命不得怠黽勉有何亡匍匐救
急殆古人之所云此不啻倍蓰若其念所生慘怛呼天
只猶爲情之常未足垂典禮乃以女爲男存沒事皆倚
旣以盡厥孝又以盡厥悌提携兄之子室家于焉在不
市毫髮恩吾以篤先祀凡此德之大所宜識鼎鼐以下叙母
今日今年月在丑母壽六袞叶頌德有塗人何況忝
密邇行見淵雲輩賦詩工旖旎當代歐曾派鴻篇照戟
榮富者錦繡段絡繹爛筐筐佐以二泉釀大遠黍地醜
顧我獨何爲躑躅亦納履往體一千字自謂祛倍鄙或

非無徵言藉以揚杜芷終始孔李家四世於茲矣母以
先君思老母荷甘旨又念他山勤兒女恩不解叶今日
率諸雛再拜前榮趾芟薙膚縛詞紀寔告女史上以銘
母德下以卜後祉仁者必上壽甲子半百里坤厚載萬
物百昌定疑疑一事最欽母目擊非意揣布裳三十年
蔬食不盈七宵諷內則篇晨入華嚴海叶貴而益勤劬
盛而戒華靡刻苦人不堪通德傳母儀叶祝母壽無疆
永以型媛女叶待母百齡時百韻再層累子亦九十餘
煩母猶設醴



